



চট্টগ্রাম মা ও শিশু হাসপাতাল মেডিকেল কলেজের ৬ষ্ঠ ব্যাচের ইন্টার্নশীপ সমাপনী অনুষ্ঠান সম্পন্ন

চট্টগ্রাম মা ও শিশু হাসপাতাল মেডিকেল কলেজের ৬ষ্ঠ ব্যাচের ইন্টার্নী ডাক্তারদের সমাপনী অনুষ্ঠান গত ২২-৪-২০১৭ইং তারিখ নতুন হাসপাতাল ভবনে কার্যনির্বাহী কমিটির প্রেসিডেন্ট প্রফেসর এ এস এম ফজলুল করিম-এর সভাপতিত্বে অনুষ্ঠিত হয়। অনুষ্ঠানে প্রধান অতিথি



চট্টগ্রাম মা ও শিশু হাসপাতাল মেডিকেল কলেজের ইন্টার্নী ডাক্তারদের সমাপনী অনুষ্ঠানে বক্তব্য রাখছেন মাননীয় ভূমি প্রতিমন্ত্রী জনাব মোঃ সাইফুজ্জামান চৌধুরী, এমপি।

হিসেবে উপস্থিত ছিলেন গণপ্রজাতন্ত্রী বাংলাদেশ সরকারের ভূমি মন্ত্রণালয়ের মাননীয় প্রতিমন্ত্রী জনাব সাইফুজ্জামান চৌধুরী জাবেদ। অনুষ্ঠানে বিশেষ অতিথি হিসেবে উপস্থিত ছিলেন দৈনিক আজাদীর সম্পাদক জনাব এম এ মালেক। অনুষ্ঠানে প্রধান অতিথির বক্তব্যে জনাব সাইফুজ্জামান চৌধুরী জাবেদ বলেন, চট্টগ্রাম মা ও শিশু হাসপাতাল আর্তমানবতার সেবায় এগিয়ে যাচ্ছে। এই প্রতিষ্ঠান সরকারের পাশাপাশি চিকিৎসা সেবা ও চিকিৎসা শিক্ষার ক্ষেত্রে বেসরকারীভাবে বিশেষ অবদান রেখে চলেছে।

অনুষ্ঠানে আরও বক্তব্য রাখেন কার্যনির্বাহী কমিটির ভাইস-প্রেসিডেন্ট ও মেডিকেল কলেজের প্রতিষ্ঠাতা অধ্যক্ষ অধ্যাপক এম.এ. তাহের খান, ভাইস-প্রেসিডেন্ট জনাব এস.এম. মোরশেদ হোসাইন, ভাইস-প্রেসিডেন্ট ডাঃ এম.

মাহফুজুর রহমান, কার্যনির্বাহী কমিটির জেনারেল সেক্রেটারী ডাঃ আঞ্জুমান-আরা-ইসলাম, কার্যনির্বাহী কমিটির ট্রেজারার ডাঃ মোঃ আরিফুল আমীন, গভর্নিং বডির ভাইস-চেয়ারম্যান জনাব মোঃ রেজাউল করিম আজাদ, কার্যনির্বাহী কমিটির মেম্বার মিসেস রেখা আলম চৌধুরী, অধ্যক্ষ অধ্যাপক এ.এস.এম. মোস্তাক আহমেদ, হাসপাতালের পরিচালক (প্রশাসন) ডাঃ মোঃ নূরুল হক ও মেডিকেল কলেজের এনাটমী বিভাগের বিভাগীয় প্রধান অধ্যাপক ডাঃ মমতাজ বেগম।

অনুষ্ঠানে চিকিৎসা পেশাকে একটি মহৎ পেশা এবং প্রকৃত সেবা মনে করার জন্য সদ্য পাশ করা চিকিৎসকদের প্রতি আহ্বান জানানো হয়। অনুষ্ঠানে বক্তারা বলেন, রোগীদের প্রতি সহমর্মিতা ও আন্তরিকতা দিয়ে সঠিকভাবে চিকিৎসা সেবায় নিজেকে আত্মনিয়োগ করতে হবে। রোগীদের সন্তুষ্টিই চিকিৎসকের অন্যতম দায়িত্ব। বক্তারা আরও বলেন যে, চট্টগ্রামে ক্যান্সার রোগীদের জন্য একটি ক্যান্সার হাসপাতাল খুবই প্রয়োজন। চট্টগ্রাম মা ও শিশু হাসপাতাল কর্তৃপক্ষ একটি ক্যান্সার হাসপাতাল প্রতিষ্ঠার জন্য ইতোমধ্যে উদ্যোগ গ্রহণ করেছে। উক্ত ক্যান্সার হাসপাতাল প্রতিষ্ঠার জন্য সমাজের বিস্তারিত আর্থিকভাবে সাহায্য সহযোগিতায় এগিয়ে এসেছেন। এই ধরনের উদ্যোগ অত্র প্রতিষ্ঠানের কার্যক্রমকে আরও এগিয়ে নিয়ে যাবে।

অনুষ্ঠানে উপস্থিত ছিলেন কার্যনির্বাহী কমিটির মেম্বার ডাঃ কামরুন নাহার দস্তগীর, জনাব মোঃ আনোয়ারুল ইসলাম, ডাঃ মোঃ পারভেজ ইকবাল শরীফ, জনাব এস এম কুতুব উদ্দিন, জনাব মোঃ জাহিদুল হাসান, জনাব মোঃ হারুন ইউসুফ, জনাব খায়েজ আহমেদ ভূঁইয়া ডোনার মেম্বার ইঞ্জিঃ মোঃ জাবেদ আবছার চৌধুরী, উপাধ্যক্ষ অধ্যাপক অসীম কুমার বড়ুয়া প্রমুখ। অনুষ্ঠানে বেস্ট ডাক্তার হিসাবে নির্বাচিত ডাঃ ফারহানা আক্তারকে (শিক্ষাবর্ষঃ ২০১০-২০১১, ক্লাস রোল নং-৬) এস.এন্ড এফ করিম ট্রাস্ট এর পক্ষ থেকে একটি গোল্ড মেডেল ও সম্মাননা প্রদান করা হয়। দিনব্যাপী আয়োজিত অনুষ্ঠানমালার মধ্যে ছিল স্মৃতিচারণ, সাংস্কৃতিক অনুষ্ঠান ও র্যাফেল ড্র।

ডাঃ সুকান্ত মহাজনের প্রাণবন্ত ও সাবলীল উপস্থাপনায় উক্ত অনুষ্ঠানে অত্র প্রতিষ্ঠানের প্রি-ক্লিনিক্যাল, প্যারা-ক্লিনিক্যাল এবং ক্লিনিক্যাল বিভাগের সর্বস্তরের অধ্যাপক, সহযোগী অধ্যাপক, সহকারী অধ্যাপক, সিনিয়র কনসালটেন্ট, কনসালটেন্ট, জুনিয়র কনসালটেন্ট, রেসিডেন্ট ফিজিশিয়ান, রেসিডেন্ট সার্জন, কিউরেটর, প্রভাষক, রেজিস্ট্রার, সহকারী রেজিস্ট্রার, মেডিকেল অফিসার, ইন্টার্ন ডাক্তার, ছাত্র-ছাত্রী, কর্মকর্তা, নার্স, নার্সিং শিক্ষার্থী, কর্মকর্তা ও কর্মচারীগণ স্বতস্কৃতভাবে অংশ গ্রহণ করেন।

CREATION OF BEHAVIORAL IMPLEMENTATION

Creating Behavioral Culture and its implementation in a medical organization requires involvement of all and every one. There must be a performance standard and accountability standard equally applicable to all. Otherwise sense of resentment and unfairness develops, Patients' satisfaction will not be maintained. Improvement will not take place, so development of standard behaviour for service excellence is a must amongst the medical group. Training and tools must be provided to all categories of service providers. There should be regular monitoring system imposed in the system permanently so that no internal inconsistency can creep in. Should there be a disruption in the system, that should be dealt with effectively with greater authority, otherwise health care service will be impacted. It should be institutional responsibility to maintain workplaces performance, cooperation, collegiality, respect and accountability being applied to all. These then become the sheet anchor of reputation of a medical service organization.

Prof. ASM Fazlul Karim

President

Chattagram Maa-O-Shishu Hospital

চট্টগ্রাম মা ও শিশু হাসপাতালের ইনস্টিটিউট অব অটিজম এন্ড চাইল্ড ডেভেলপমেন্ট এর ডেভেলপমেন্টাল থেরাপি কোর্সের সার্টিফিকেট বিতরণ অনুষ্ঠান সম্পন্ন




“ডেভেলপমেন্টাল থেরাপি” কোর্সের সার্টিফিকেট বিতরণ অনুষ্ঠানে প্রধান অতিথির বক্তব্য রাখছেন লায়ন্স ক্লাব ইন্টারন্যাশনাল এর মাননীয় জেলা গভর্নর লায়ন মোঃ শাহ আলম বাবুল পিএমজেএফ।

চট্টগ্রাম মা ও শিশু হাসপাতালের ইনস্টিটিউট অব অটিজম এন্ড চাইল্ড ডেভেলপমেন্ট এর ৩ মাস মেয়াদী “ডেভেলপমেন্টাল থেরাপি” কোর্সের সার্টিফিকেট বিতরণ অনুষ্ঠান গত ১৩/০৪/২০১৭ ইং তারিখ কার্যনির্বাহী কমিটির প্রেসিডেন্ট প্রফেসর এ এস এম ফজলুল করিম এর সভাপতিত্বে নার্সিং অডিটোরিয়ামে অনুষ্ঠিত হয়। সভাতে প্রধান অতিথি হিসেবে উপস্থিত ছিলেন লায়ন্স ক্লাব ইন্টারন্যাশনাল ডিষ্ট্রিক্ট ৩১৫ বিএ এর মাননীয় জেলা গভর্নর লায়ন মোঃ শাহ আলম বাবুল পিএমজেএফ। অনুষ্ঠানে আরো বক্তব্য রাখেন চট্টগ্রাম মা ও শিশু হাসপাতালের কার্যনির্বাহী কমিটির জেনারেল সেক্রেটারী ডাঃ আঞ্জুমান আরা ইসলাম, ভাইস প্রেসিডেন্ট জনাব এস এম মোরশেদ হোসেন, চট্টগ্রাম মা ও শিশু হাসপাতাল মেডিকেল কলেজ গভর্নিং বডির ভাইস চেয়ারম্যান জনাব মোঃ রেজাউল করিম আজাদ ও ইনস্টিটিউট অব অটিজম এন্ড চাইল্ড ডেভেলপমেন্ট এর পরিচালক প্রফেসর ডাঃ মাহমুদ আহমেদ চৌধুরী আরজু। প্রধান অতিথি লায়ন জেলা গভর্নর জনাব মোঃ শাহ আলম বাবুল বলেন, আমি অত্যন্ত আনন্দিত এজন্য যে, চট্টগ্রাম মা ও শিশু হাসপাতালের প্রতিষ্ঠালগ্ন থেকে লায়ন্স ক্লাব সমূহ এই হাসপাতালের সাথে জড়িত। হাসপাতালের প্রতিষ্ঠাতা প্রেসিডেন্ট ও ছিলেন একজন লায়ন

জেলা গভর্নর। ছোট্ট পরিসরে এই হাসপাতালটি শুরু করা হলেও এটি আজ বিশাল একটি প্রতিষ্ঠান হিসেবে প্রতিষ্ঠা লাভ করেছে। বৃহত্তর চট্টগ্রামে আজ চট্টগ্রাম মা ও শিশু হাসপাতাল সর্বসাধারণের চিকিৎসা সেবায় গুরুত্বপূর্ণ অবদান রেখে চলেছে। এই হাসপাতালের অধীনে পরিচালিত মেডিকেল কলেজ বাংলাদেশের অন্যতম সেরা বেসরকারী মেডিকেল কলেজ হিসেবে সুনাম অর্জন করেছে। তিনি হাসপাতালের ইনস্টিটিউট অব অটিজম এন্ড চাইল্ড ডেভেলপমেন্ট এর কার্যক্রমের খুবই প্রশংসা করেন। প্রতিবন্ধি শিশুদের জন্য এখানে একই ছাতার নিচে সব ধরনের চিকিৎসা সেবার ব্যবস্থা রয়েছে। এছাড়া প্রতিবন্ধি শিশুদের চিকিৎসা সেবায় দক্ষ মানব সম্পদ তৈরির জন্য এ ধরনের প্রশিক্ষণ কোর্স এর গুরুত্ব অপরিসীম। তিনি চট্টগ্রাম মা ও শিশু হাসপাতালের উন্নয়নে তার নিজের পক্ষ থেকে এবং লায়ন্স ডিষ্ট্রিক্ট এর পক্ষ থেকে সর্বাত্মক সহযোগিতার আশ্বাস প্রদান করেন। অনুষ্ঠানে প্রধান অতিথি ৩ মাস মেয়াদী ডেভেলপমেন্টাল থেরাপি কোর্সে অংশগ্রহণকারীদের মধ্যে সার্টিফিকেট বিতরণ করেন। এর আগে প্রধান অতিথি হাসপাতালের শিশু বিকাশ কেন্দ্র ও বিভিন্ন বিভাগ সমূহ পরিদর্শন করেন। অনুষ্ঠানে আরো উপস্থিত ছিলেন কার্যনির্বাহী কমিটির সদস্য ডাঃ কামরুন নাহার দস্তগীর, জনাব মোঃ হারুন ইউসুফ, চমাশিহা মেডিকেল কলেজের প্রিন্সিপাল প্রফেসর ডাঃ এ এস এম মোস্তাক আহমেদ, পরিচালক (প্রশাসন) ডাঃ মোঃ নূরুল হক, শিশু স্বাস্থ্য বিভাগের অধ্যাপক ও বিভাগীয় প্রধান ডাঃ মোঃ বদরুদ্দোজা প্রমুখ। অনুষ্ঠানে হাসপাতাল, মেডিকেল কলেজ ও নার্সিং ইনস্টিটিউটের শিক্ষক/শিক্ষিকা, ডাক্তার, নার্স, কর্মকর্তা, কর্মচারী ও ছাত্র/ছাত্রীগণ অংশ গ্রহণ করেন।

চট্টগ্রাম মা ও শিশু হাসপাতালের অটিজম ও শিশু বিকাশ কেন্দ্রের উদ্যোগে বিশ্ব অটিজম সচেতনতা দিবস - ২০১৭ পালিত

চট্টগ্রাম মা ও শিশু হাসপাতালের ইনস্টিটিউট অব অটিজম ও শিশু বিকাশ কেন্দ্রের উদ্যোগে গত ০২/০৪/২০১৭ ইং তারিখ বিশ্ব অটিজম সচেতনতা দিবস - ২০১৭ পালন করা হয়। এ উপলক্ষে হাসপাতালের নার্সিং অডিটোরিয়ামে এক আলোচনা সভা কার্যনির্বাহী কমিটির প্রেসিডেন্ট প্রফেসর এ এস এম ফজলুল করিম এর সভাপতিত্বে অনুষ্ঠিত হয়। অনুষ্ঠানে প্রধান



বিশ্ব অটিজম সচেতনতা দিবস উপলক্ষে আয়োজিত অনুষ্ঠানে প্রধান অতিথির বক্তব্য রাখছেন চট্টগ্রাম চেম্বার অব কমার্স এন্ড ইন্ডাস্ট্রিজ এর প্রেসিডেন্ট জনাব মাহবুবুল আলম তালুকদার।

অতিথি হিসেবে উপস্থিত ছিলেন চট্টগ্রাম চেম্বার অব কমার্স এন্ড ইন্ডাস্ট্রিজ এর প্রেসিডেন্ট এবং এফবিসিসিআই এর ভাইস প্রেসিডেন্ট জনাব মাহবুবুল আলম তালুকদার। অনুষ্ঠানে আরো বক্তব্য রাখেন হাসপাতালের কার্যনির্বাহী কমিটির ভাইস প্রেসিডেন্ট জনাব এস এম মোরশেদ হোসেন, জেনারেল সেক্রেটারী ডাঃ আঞ্জুমান আরা ইসলাম, চমাশিহা মেডিকেল কলেজ গভর্নিং বডি'র ভাইস চেয়ারম্যান জনাব মোঃ রেজাউল করিম আজাদ, কার্যনির্বাহী কমিটির সদস্য মিসেস রেখা আলম চৌধুরী, ইনস্টিটিউট অব চাইল্ড হেলথ এর পরিচালক প্রফেসর ডাঃ মাহমুদ আহমেদ চৌধুরী আরজু ও হাসপাতালের পরিচালক (প্রশাসন) ডাঃ মোঃ নূরুল হক। অনুষ্ঠানে মূল প্রবন্ধ উপস্থাপন করেন হাসপাতালের শিশু স্বাস্থ্য বিভাগের সহকারী অধ্যাপক ডাঃ তনুকা বড়ুয়া। প্রধান অতিথি জনাব মাহবুবুল আলম তালুকদার তার বক্তব্যে বলেন, চট্টগ্রাম মা ও শিশু হাসপাতাল বৃহত্তর চট্টগ্রামে স্বাস্থ্য সেবায় গুরুত্বপূর্ণ অবদান রেখে চলেছে। হাসপাতালের ইনস্টিটিউট অব অটিজম ও চাইল্ড ডেভেলপমেন্ট

শারীরিক ও মানসিক প্রতিবন্ধি ও অটিষ্টিক শিশুদের চিকিৎসা সেবায় গুরুত্বপূর্ণ ভূমিকা রাখছে। এখানে একই ছাতার নিচে প্রতিবন্ধি শিশুদের জন্য সব ধরনের চিকিৎসা সেবার ব্যবস্থা রয়েছে। এককথায় প্রতিবন্ধি শিশুদের জন্য এখানে ওয়ান স্টপ সার্ভিসের ব্যবস্থা রয়েছে, যা চট্টগ্রামে অন্য কোন হাসপাতাল বা সেবা কেন্দ্রে নাই। চিকিৎসা সেবার পাশাপাশি এই খাতে দক্ষ মানবসম্পদ তৈরির জন্য এখানে বিভিন্ন বিষয়ে প্রশিক্ষণের ব্যবস্থা রয়েছে। সম্প্রতি চট্টগ্রাম বিশ্ববিদ্যালয়ের অধীনে এখানে ডিপ্লোমা ইন ডেভেলপমেন্টাল থেরাপি কোর্স চালুর জন্য বিশ্ববিদ্যালয় কর্তৃক অনুমোদন প্রদান করা হয়েছে। তিনি আরো বলেন, অটিষ্টিক শিশুদের সহযোগিতার জন্য সকলের সহযোগিতা ও আন্তরিকতা প্রয়োজন। এ ব্যাপারে ব্যাপক জনসচেতনতা বৃদ্ধির জন্য সভাতে গুরুত্বারোপ করা হয়। চেম্বার প্রেসিডেন্ট চট্টগ্রাম মা ও শিশু হাসপাতালের চিকিৎসা সেবা ও সামগ্রিক উন্নয়নে খুবই সন্তোষ প্রকাশ করেন। বিশেষ করে নতুন হাসপাতাল ভবনের নির্মাণ কাজের অগ্রগতিতে তিনি খুবই সন্তোষ প্রকাশ করেন। তিনি তার নিজের এবং চট্টগ্রাম চেম্বারের পক্ষ থেকে হাসপাতালের উন্নয়নে সর্বাত্মক সহযোগিতার আশ্বাস প্রদান করেন। প্রধান অতিথি চট্টগ্রাম কমার্স এন্ড ইন্ডাস্ট্রিজ এর পক্ষ থেকে হাসপাতালের জন্য একটি গ্র্যান্ট প্রদান করবেন বলে প্রতিশ্রুতি প্রদান করেন। কার্যনির্বাহী কমিটির প্রেসিডেন্ট প্রফেসর এ এস এম ফজলুল করিম প্রধান অতিথিকে অনুষ্ঠানে অংশ গ্রহণ করার জন্য আন্তরিক ধন্যবাদ জানান। এর আগে বিশ্ব অটিজম সচেতনতা দিবস উপলক্ষে একটি বর্ণাঢ্য র্যালি আয়োজন করা হয়।

চট্টগ্রাম মা ও শিশু হাসপাতালের উদ্যোগে বিশ্ব থ্যালাসেমিয়া দিবস - ২০১৭ পালন

চট্টগ্রাম মা ও শিশু হাসপাতালের উদ্যোগে গত ০৮/০৫/২০১৭ ইং তারিখ বিশ্ব থ্যালাসেমিয়া দিবস - ২০১৭ পালন করা হয়। এ উপলক্ষে



থ্যালাসেমিয়া ডে উপলক্ষে হাসপাতালের থ্যালাসেমিয়া ওয়ার্ডে রোগীদের সাথে চমাশিহা মেডিকেল কলেজ গভর্নিং বডি'র ডেপুটি চেয়ারম্যান জনাব মোঃ রেজাউল করিম আজাদ ও চিকিৎসকবৃন্দ।

হাসপাতালের থ্যালাসেমিয়া ওয়ার্ডে থ্যালাসেমিয়া রোগী ও রোগীর অভিভাবকদের সাথে এক মত বিনিময় সভা অনুষ্ঠিত হয়। অনুষ্ঠানে উপস্থিত ছিলেন মেডিকেল কলেজ গভর্নিং বডি'র ভাইস চেয়ারম্যান জনাব মোঃ রেজাউল করিম আজাদ, পরিচালক (প্রশাসন) ডাঃ মোঃ নূরুল হক, হাসপাতালের ইনস্টিটিউট অব অটিজম ও চাইল্ড ডেভেলপমেন্ট এর পরিচালক ও থ্যালাসেমিয়া ইউনিটের ভারপ্রাপ্ত কনসালট্যান্ট প্রফেসর মাহমুদ আহমেদ চৌধুরী আরজু, উপ-পরিচালক (প্রশাসন) জনাব মোহাম্মদ মোশাররফ হোসাইন, সহকারী পরিচালক (প্রশাসন) ডাঃ এ কে এম আশরাফুল করিম, শিশু স্বাস্থ্য বিভাগের জুনিয়র কনসালট্যান্ট ডাঃ কামাল হোসেন জুয়েল এবং শিশু স্বাস্থ্য বিভাগ ও থ্যালাসেমিয়া ইউনিটের চিকিৎসকবৃন্দ। সভাতে উল্লেখ করা হয়, প্রতি বছর ৮ই মে বিশ্ব থ্যালাসেমিয়া দিবস পালন করা হয়। দিবসটি পালনের উদ্দেশ্য হল সাধারণ মানুষের মাঝে থ্যালাসেমিয়া রোগ সম্পর্কে এবং এই রোগ প্রতিরোধে সচেতনতা বৃদ্ধি করা। সভাতে উল্লেখ করা হয় চট্টগ্রাম মা

ও শিশু হাসপাতালে থ্যালাসেমিয়া আক্রান্ত রোগীদের রোগ নির্ণয়, রক্তদান ও চিকিৎসা সেবার জন্য আলাদা বিশেষায়িত একটি থ্যালাসেমিয়া ইউনিট রয়েছে। এখানে থ্যালাসেমিয়া রোগ সনাক্তকরণের জন্য রয়েছে এইচপিএলসি মেশিন এবং সেল সেপারেটর মেশিন। থ্যালাসেমিয়া রোগীদের এখানে স্বল্প খরচে রক্ত দান ও চিকিৎসা সেবার ব্যবস্থা রয়েছে। সভাতে থ্যালাসেমিয়া রোগীদের সহযোগিতায় সকলকে এগিয়ে আসার আহবান জানানো হয়। ওয়ার্ল্ড থ্যালাসেমিয়া ডে উপলক্ষে হাসপাতালের থ্যালাসেমিয়া ওয়ার্ডকে বিশেষভাবে সাজানো হয় এবং থ্যালাসেমিয়া রোগী এবং রোগীর অভিভাবকদের মধ্যে খাবার বিতরণ করা হয়।

চট্টগ্রাম মা ও শিশু হাসপাতালের কার্যনির্বাহী কমিটির নির্বাচন ২০১৭-২০২০ সম্পন্ন

প্রফেসর এ.এস.এম. ফজলুল করিম - ডাঃ আঞ্জুমান আরা ইসলাম - ডাঃ মোঃ আরিফুল আমীন পরিষদ পূর্ণ প্যানেলে বিজয়ী

চট্টগ্রাম মা ও শিশু হাসপাতালের কার্যনির্বাহী কমিটির নির্বাচন ২০১৭-২০২০ গত ২০/০৫/২০১৭ ইং তারিখ বিপুল উৎসাহ ও উদ্দীপনার মাধ্যমে



সম্পন্ন হয়। অত্যন্ত অবাধ সুষ্ঠু ও শান্তিপূর্ণভাবে উক্ত নির্বাচন সম্পন্ন হয়। নির্বাচনে প্রফেসর এ.এস.এম. ফজলুল করিম - ডাঃ আঞ্জুমান আরা ইসলাম - ডাঃ মোঃ আরিফুল আমীন পরিষদ পূর্ণ প্যানেলে বিজয় লাভ করেন। নির্বাচনে জেনারেল সেক্রেটারী পদে ডাঃ আঞ্জুমান আরা ইসলাম, জয়েন্ট জেনারেল সেক্রেটারী পদে ডাঃ মোঃ আরিফুল আমীন, মেম্বর পদে ডাঃ কামরুন নাহার দস্তগীর, জনাব মোঃ আনোয়ারুল ইসলাম, ইঞ্জিনিয়ার এম. আলী আশরাফ, মিসেস রেখা আলম চৌধুরী, অধ্যক্ষ ড. মোহাম্মদ সানাউল্লাহ, আলহাজ্ব মোঃ আহসান উল্লাহ, এস.এম কুতুব উদ্দিন, মোঃ জাহিদুল হাসান, আলহাজ্ব মোঃ হারুন ইউছুপ, ডাঃ মোঃ ফয়সাল ইকবাল চৌধুরী, এম. জাকির হোসেন তাহুকদার, ডাঃ সাজ্জাদ মোহাম্মদ ইউসুফ ও জনাব খায়েজ আহমদ ভূঁইয়া জয় লাভ করেন। প্রধান নির্বাচন কমিশনার চট্টগ্রামের অতিরিক্ত বিভাগীয়

নির্বাচনের ফলাফল ঘোষণা করছেন নির্বাচন কমিশনার চট্টগ্রামের অতিরিক্ত বিভাগীয় কমিশনার (উন্নয়ন), চট্টগ্রাম ও প্রধান নির্বাচন কমিশনার সৈয়দা সরোয়ার জাহান।

কমিশনার (উন্নয়ন) সৈয়দা সরোয়ার জাহান নির্বাচনের ফলাফল ঘোষণা করেন। উল্লেখ্য উক্ত প্যানেল থেকে প্রেসিডেন্ট পদে প্রফেসর এ.এস.এম ফজলুল করিম, ভাইস প্রেসিডেন্ট পদে প্রফেসর এম.এ তাহের খান, জনাব এস.এম. মোরশেদ হোসেন ও ডাঃ এম. মাহফুজুর রহমান, ট্রেজারার পদে জনাব মোঃ রেজাউল করিম আজাদ ও ডেনার মেম্বর পদে ইঞ্জিনিয়ার মোঃ জাবেদ আবছার চৌধুরী এবং ডাঃ মোঃ পারভেজ ইকবাল শরীফ বিনা প্রতিদ্বন্দিতায় নির্বাচিত হয়েছেন। নব নির্বাচিত কমিটির জেনারেল সেক্রেটারি ডাঃ আনজুমান আরা ইসলাম তাকে এবং তার পূর্ণ প্যানেলকে নির্বাচিত করায় সম্মানিত আজীবন সদস্য/সদস্যাব্দকে আন্তরিক ধন্যবাদ ও কৃতজ্ঞতা জানান।

গণপ্রজাতন্ত্রী বাংলাদেশ সরকারের অর্থ মন্ত্রণালয়ের অতিরিক্ত সচিব জনাব মোহাম্মদ মুসলিম চৌধুরী চট্টগ্রাম মা ও শিশু হাসপাতাল পরিদর্শন

গণপ্রজাতন্ত্রী বাংলাদেশ সরকারের অর্থ মন্ত্রণালয়ের অতিরিক্ত সচিব জনাব মোহাম্মদ মুসলিম চৌধুরী গত ২৪/০৬/২০১৭ইং তারিখ চট্টগ্রাম মা



অর্থ মন্ত্রণালয়ের অতিরিক্ত সচিব জনাব মোহাম্মদ মুসলিম চৌধুরীকে ফুল দিয়ে শুভেচ্ছা জানাচ্ছেন কার্যনির্বাহী কমিটির প্রেসিডেন্ট প্রফেসর এ এস এম ফজলুল করিম ও কার্যনির্বাহী কমিটির সদস্যবৃন্দ।

ও শিশু হাসপাতাল পরিদর্শন করেন। পরিদর্শনকালে তিনি হাসপাতালের চিকিৎসা সেবা কার্যক্রম বিশেষ করে হাসপাতালের ইনস্টিটিউট অব অটিজম এন্ড চাইল্ড ডেভেলপমেন্ট এর কার্যক্রম পরিদর্শন করেন। তিনি হাসপাতালের সার্বিক কার্যক্রমে এবং বিশেষ করে প্রতিবন্ধি শিশুদের জন্য অটিজম ও শিশু বিকাশ কেন্দ্রের চিকিৎসা সেবা কার্যক্রমে খুবই সন্তোষ প্রকাশ করেন। অতিরিক্ত সচিব জনাব মোহাম্মদ মুসলিম চৌধুরী হাসপাতালে আসলে তাকে হাসপাতালের পক্ষ থেকে ফুল দিয়ে শুভেচ্ছা জানানো হয়। এ সময় হাসপাতালের কার্যনির্বাহী কমিটির প্রেসিডেন্ট প্রফেসর এ এস এম ফজলুল করিম, ভাইস প্রেসিডেন্ট জনাব এস এম মোরশেদ হোসেন, চমাশিহা মেডিকেল কলেজের গভর্নিং বডি'র ভাইস চেয়ারম্যান/অনারারী ট্রেজারার জনাব মোঃ রেজাউল করিম আজাদ, কার্যনির্বাহী কমিটির সদস্য জনাব মোঃ আনোয়ারুল ইসলাম, আলহাজ্ব মোঃ হারুন ইউসুফ, জনাব মোঃ জাহিদুল হাসান, হাসপাতালের পরিচালক (প্রশাসন)

ডাঃ মোঃ নূরুল হক, হাসপাতালের ইনস্টিটিউট অব অটিজম ও চাইল্ড ডেভেলপমেন্ট এর পরিচালক প্রফেসর মাহমুদ আহমেদ চৌধুরী আরজু, সহযোগী অধ্যাপক (শিশু স্বাস্থ্য) ডাঃ শাহেদ ইকবাল, উপ-পরিচালক (প্রশাসন) জনাব মোহাম্মদ মোশাররফ হোসাইন এবং সহকারী পরিচালক (আইসিএইচ) ডাঃ মোঃ আবু সাঈদ চৌধুরী উপস্থিত ছিলেন। তিনি চট্টগ্রাম মা ও শিশু হাসপাতালের সার্বিক উন্নয়নে অর্থ মন্ত্রণালয়ের পক্ষ থেকে গ্রান্ট ইন এইড বৃদ্ধি সহ প্রয়োজনীয় সর্বাঙ্গিক সহযোগিতার আশ্বাস প্রদান করেন।

